

Ei Mee mac oite onor intharneth bill \$30 foijjonto barit fare.

Alusonar maddome toratori
Affordable Connectivity Program (ACP)
(Costa Zugazug or Program) hotom oit fare.



ONOTTU ZANA ZORUROT ASEDE KI HOILE:

- Februari 8, 2024 oite ACP dorhas ar namgolar karwaiyi amol ar zari no takibou.
- Dorhas goijja, monzur oiyore Februari 8, 2024 or age macharbari intharneth dam-homaiya faizadde bari-gór okkole program ot zetokkon namgolaiya takibou, ACP thiña-foisa furaiza foijjonto ACP faida gin lagatar faibou.
- ACP thiña-foisa okkol furaizai bade (Epril 2024 foijjonto horas-kiyas goijja), ACP it camel oiya bari-gór okkole ACP dam homaiya okkol ar no faibou.

YIANE ONOLLA KI BUZAI?

Intharneth bill bariboude yian olla toiyar takiyo.

Dábba taásir homaibolla onottu niser ektiyar okkol ase:

- Hono eken no loiyore onor salu asede intharneth sarvis ore salu rakiyo, kintu fotti mac ot \$30 adaigoribolla toiyar takiyo.
- Uggwa ósta plan or arosgoribolla onor intharneth sarvis entezamgorouya re kool diyo. Kessú e ACP ir layek asede maincolla haás "hom-dam" plan okkol ofar gore.
- Hono zoribana sara onor ACP-dam-homaiya intharneth sarvis plan ore tobdil yato batel gorar hok onottu asede yian kiyal rakio.
- Federal Lifeline (Laiflain) program ot nam golaiyo zodi one corik no takile.

AÑR ACP FAIDA GIN HOTODIN TAKIBOU?

Epril mac foijjonto onor ACP homa dam solibou. Mee mac ottu curu oite, onor bill bari zaibou.

AÑR LOI HONE KONTHEK GORIBOU?

Onor entezamgorouya ye tin nan ettelanama defeçai bou:

foila gan Januwari 25, 2024 or butore; dusara gan aheri ACP mac or FCC ir elan oiyore 14 din or butore; ar tesera gain prgram hotom oibor age fura ACP faida dibode cec bill gorar thaim loi eksate aibou.

Ettelenamat one zani faribade:

- ACP hom-dam sara onor bill kibafe tobdil oibou.
- ACP hom-dam camil takbioude aheri bill or tarik.
- Zehon ACP hotom oile zoribana sara kibafe onor plan tobdil goriba, alok ekzon entezamgorouya re hawalagoriba yato onor sarvis ore kensel goriba.

MODOT AR AROU MALUMAT OLLA:

Cekayot goribolla, kool goro:
888-CALL-FCC (888-225-5322)

ACP Wind-Down (Bon Oizar) babote zehono suwal yato ocuida takile, Dallas County Connects Hotline loi 469-946-9491 ot zugazug gorite deri nogoriyo.



Egaza Fusarlode Suwal okkol

Bon-oizar tobkat maze Costa Zugazug or Program (ACP) ot hissa louya Intharneth Sarvis Entezamgorouya okkol (ISPs) olla estemalgorouyar hefazotor tokaza okkol oilde ki?

ACP ir bon-oizar tobkar thaim ot oile o ISPs olottu estemalgorouyar hefazotor tokaza okkol ore mani za foribou. ACP ir moksod, erada yato imandari re komzur gorede na-insabi ar onnai hashormo yato amol okkol ot mocgul uwattu dure taka camil ase. Tokoza innin or hadef oilde estemalgorouya olore thiña foisar hotittu hefazot gora ar layek bari-gór okkol ezafa thiña-foisar sab ot no foredde yian fakka gora.

Estemalgorouya okkole ACP faida fadde yian rukar bade estemalgorouyar hefazoti tokaza okkol bohal takibo ne?

Oi, estemalgorouya okkole ACP faida fadde yian bongorar bade o kessú estemalgorouyar hefazoti tokaza okkol bohal takibou. Yian oilde layek bari-gór okkol ottu ezafa thiañ foisar sab noon ar estemalgorouya ololla ISPs olor zimmadari furagoredde yian fakka gora.

ACP hotom onor bade estemalgorouya olor thiañ foisar sab olore ISPs okkole halkagori faribou ne?

Oi, ISPs okkole hom-amodoni asede estemalgorouya ololla hom-dam ola intharneth sarvis plan diyore yato saluasede hom-dam ola plan olot estemalgorouya olore fargarai diyore ACP hotom onor bade estemalgorouya olor ezafa thiañ foisar sab okkol halkagoribolla modot gori faribou. Yian or hadef oilde costa intharneth faiboude yian thik rakibolla bari-gór olore modot gora.

Zodi layek ola bari-gór ole ACP-hemayoti sarvis olor horos okkol adaigoitte nakam oile ki oibou?

ACP ir kanun mutabek, bill pamen adaigorar tarik faraiyore 90 din foijjonto pamen adai noo gorede yian olla corikoiya ISPs okkole layek bari-gór olor ACP-hemayoti sarvis okkol hotom gori no fare. Pamen adaigorar tarik or bade bari-gór okkol zodi mujrem bonile tarare agori ettelagoriyore arou hom-dami plan okkol ot fargarai bolla ISPs okkol ore ejazot diye.

ACP hotom onor bade muddot baraiya sarvis konthrek okkol or sarvis plan bon gojjede layek bari-gór olottu soore bongorar horos okkol lagibou ne?

Noi, ACP hotom onor bade muddot baraiya sarvis konthrek okkol or sarvis plan bon gojjede layek bari-gór olottu ISPs okkole soore bongorar horos haçi no faribou. Yiane bari-gór olore soore sarvis konthrek okkol bongorar harone thiña foisar zoribana olottu hefazot rake, zodi yo itara ACP faida ar no far.

ACP ir mutaleka na-insabi ar onnai hashormo yato amol okkol ot mocgul uwattu ISPs okkol ore kibafe ruke?

Zodi yo bari-gór ole ACP faida fa bongori bade ACP ir moksod, erada yato imandari re komzur gorede zehono hashormo yato amol okkol ot mocgul uwattu ISPs okkol ore managori raikke. Eçé ACP ir misa yato golot rasta loi procar gora yato itara noide thaim ot ACP ir corikoiya entezamgorouya okkol hisafe dori raka. Kanun bañgedde innin ore FCC it zanai faribou.

ACP ir kanun ar bon-oizar tokaza okkol ore entezamgorouya ye manisolar babote estemalgorouya okkole cekayot kibafe zoma dibou?

ACP ir kanun ar bon-oizar tokaza okkol ore entezamgorouya ye manisolar babote ocuida okkol loi estemalgorouya okkole ConsumerComplaints.fcc.gov ot zaiyore Comicen ot cekayot zama di faribou. Bari-gór olottu suwal takile ACP Suppor Center loi 877-384-2575 yato acpinfo@fcc.gov. ot konthek gorifaribou. Nafang yato Funit Mockil asede estemalgorouya okkole 844-432-2275 ot ASL Hotline estemal gori faribou.